

DADANSODDI ADRODDIADAU AROLYGU
(Medi 2024 – Mawrth 2025)

Ysgol		Dyddiad arolygu	Adroddiad wedi'i gyhoeddi
Ysgol Maenofferen	Y Sgwâr, Blaenau Ffestiniog (219 ar y gofrestr)	24/03/2025	30/05/2025
<i>Mae staff yn cefnogi disgyblion i ddatblygu eu hymwybyddiaeth ysbrydol a moesol yn addas. Er enghraifft, yn y gwasanaethau bore, mae cyfleoedd iddynt fyfyrio ar faterion moesegol a dysgu am bwysigrwydd gweithio gyda'n gilydd a pharchu hawliau. Mae'r disgyblion ieuengaf yn deall bod pawb yn wahanol, gan gynnwys teuluoedd amrywiol, ac mae'r disgyblion hynaf yn ymwybodol o ddylanwad pobl ddu enwog mewn digwyddiadau pwysig mewn hanes.</i>			
Ysgol Bodfeurig	Sling, Tregarth (52 ar y gofrestr)	24/03/2025	30/05/2025
<i>Dim sylwadau.</i>			
Ysgol Penybryn	Tywyn (236 ar y gofrestr)	17/03/2025	22/05/2025
<i>Mae disgyblion yn datblygu sgiliau personol, cymdeithasol a chreadigol gwerthfawr, sy'n cefnogi eu hymwybyddiaeth ddiwylliannol a'u gwerthfawrogiad yn gadarn.</i> <i>Mae athrawon yn darparu cwricwlwm ysgogol sy'n datblygu dealltwriaeth disgyblion o'r byd a'u hardal leol yn effeithiol, er enghraifft drwy ddysgu am hanes y Cymry ym Mhatagonia a rheilffordd yr arfordir. Mae athrawon hefyd yn cynllunio cyfleoedd pwrpasol i ddisgyblion drafod materion pwysig fel perthnasoedd ac amrywiaeth. Mae disgyblion yn trin eraill gyda pharch ac yn datblygu eu hymwybyddiaeth o wahanol hunaniaethau.</i>			
Ysgol Gynradd Rhiwlas	Rhiwlas, Bangor (34 ar y gofrestr)	03/02/2025	07/04/2025
<i>Yn y sesiynau llawn, mae athrawon yn darparu cyfleoedd pwrpasol i ddisgyblion ddysgu am foesau a gwerthoedd pwysig fel caredigrwydd a pharch at eraill. Mae hyn yn effeithiol gan ddyfnhau dealltwriaeth disgyblion o'r angen i drin pawb a phopeth yn y gymdeithas gyda pharch.</i>			
Ysgol Glan y Môr (Ysgol Uwchradd)	Ffordd Caerdydd, Pwllheli (469 ar y gofrestr)	02/12/2024	06/02/2025
<i>Mae'r ysgol yn darparu cyfleoedd addas i ddisgyblion ddatblygu'n ysbrydol ac yn foesol trwy ddysgu am amrywiaeth, hawliau dynol, moeseg a dinasyddiaeth. Er enghraifft, mae'r Senedd ysgol wedi codi ymwybyddiaeth o bwysigrwydd goddefgarwch drwy arwain 'Prosiect Parch' yr ysgol.</i>			
Ysgol Treforthyr	Cricieth (115 ar y gofrestr)	25/11/2024	30/01/2025
<i>Mae'r pennaeth a'r staff yn hyrwyddo gwerthoedd moesol ac yn gosod disgwyliadau uchel fel cwrteisi a meithrin parch ymhlith disgyblion.</i> <i>Mae staff yn cefnogi disgyblion i ddatblygu eu hymwybyddiaeth ysbrydol a moesol yn dda. Er enghraifft, mewn gwasanaethau llawn, maent yn darparu cyfleoedd addas i ddisgyblion fyfyrio ar faterion moesegol pwysig gan gynnwys dangos caredigrwydd a phwysleisio pwysigrwydd hawliau</i>			

plant o fewn cymdeithas. Mae cyfleoedd pwrpasol i'r disgyblion hynaf gymryd rhan mewn gweithgareddau sy'n eu perswadio nad yw hiliaeth yn dderbyniol mewn cymdeithas.

Ysgol Borth-y-Gest

Borth-y-Gest, Porthmadog (31 ar y gofrestr)

18/11/2024

23/01/2025

Mae staff yn darparu cwricwlwm pwrpasol, eang, diddorol a chyffrous sy'n cwmpasu'r meysydd dysgu a phrofiad yn llwyddiannus.

Mae staff yn cefnogi ymwybyddiaeth ysbrydol a moesol disgyblion yn llwyddiannus. Trwy gyflwyno themâu fel teyrngarwch, hawliau ac empathi, mae disgyblion yn ystyried safbwyntiau a gwerthoedd eraill yn llwyddiannus. Trwy hyn, mae disgyblion yn datblygu dealltwriaeth briodol ohonynt eu hunain ac o unigolion sy'n wahanol iddynt.

Ysgol O.M. Edwards

Llanuwchllyn. Y Bala (77 ar y gofrestr)

07/10/2024

09/12/2024

Mae staff yn cyfoethogi dysgu disgyblion yn llwyddiannus iawn gyda chysylltiadau cymunedol gwerthfawr. Er enghraifft, mae disgyblion yn chwarae rhan greiddiol wrth gymryd rhan mewn gwahanol wasanaethau, yn cystadlu yn yr eisteddfod leol ac yn casglu sbwriel i wneud yr ardal leol yn fwy deniadol. O ganlyniad, mae cyfleoedd yn cyfrannu at ddatblygu disgyblion i fod yn ddinasyddion cydwybodol sy'n ymfalchïo yn y gymuned a'u hamgylchedd.

Mae'r ysgol yn darparu cyfleoedd addas i ddisgyblion ddatblygu agweddau ysbrydol a moesol mewn gwasanaethau, sy'n cynnwys gwahodd ymwelwyr i'r ysgol a thrwy drefnu ymweliadau addysgol gwerthfawr. Mae disgyblion yn dysgu am grefyddau eraill a materion byd-eang sy'n digwydd mewn gwahanol ddiwylliannau.

Ysgol Gynradd
Abererch

Abererch, Pwllheli (71 ar y gofrestr)

30/09/2024

02/12/2024

Mae'r staff yn darparu cwricwlwm eang a chytbwys i'r disgyblion.

Mae'r staff yn darparu cyfleoedd gwerthfawr a chyfoethog i ddisgyblion fyfyrïo ar faterion moesegol pwysig. Maent yn dathlu gwahaniaethau o fewn cymdeithas yn ystod gwasanaethau wythnosol a gweithredoedd dyddiol o addoli ar y cyd yn effeithiol.